

Aaqqiissut

**Siunnersuut 5. august 2020-meersoq taarserpaa
(Oqaasertaanik naqqiisoqarpoq ersarissaasoqarlunilu, sunniutaasunillu
aaqqiisoqarnikuulluni immikkoortullu qulequtaat ikkunneqarlutik)**

Siunnersummut nassuaatit

Nassuaatit nalinginnaasut

1. Aallaqqaasiut

Siunnersummi siunertaavoq pisortani akiliisarnermik ingerlatsinermi nutarsaanissamik aamma pisariillisaanermik tunngaviliinissaq, kiisalu innuttaasut aamma suliffeqarfiiit assingusumik – imaluunniit pitsangorsakkamik – atugaqarnissaannik pilersitsinissaq.

Sipaarniarneq siunertaralugu, IT-kkut ineriartortitsinermut, allaffisornermut il. il. aningaasartuutaanerusussanut annertoorujussuusussaagaluartunut, pisortat akiliisarnerat il. il. pillugu Danmarkimi inatsit, NemKontomik aaqqiisummut, Danmarkimi atorneqartumut siunnersuut tunngaveqarpoq. Taamaasilluni Kalaallit Nunaanni oqartussaasut Danmarkimi NemKontomik aaqqiisummut ilanngunnissaat sulissutigineqarpoq. Kisiani Danmarkimi inatsisit atuuttut naapertorlugit aningaasat karsimiittut pillugit aalajangersakkanik ilanngussisoqanngilaq, taakku akiitsut akilersinniarneqartarnerat pinaveersaartinnissaallu pillugit Inatsisartut inatsisaanni § 6 a, imm. 1-imi oqaaseqatigiinni kingullerni ilaareermata, kiisalu elektroniskimik akiligassiissutit, pissutsini taamaattuni, Qarasaasiakkut akiliisitsisarnerup aqunneqarnera pillugu Inatsisartut inatsisaat nr. 50, 23. november 2017-imeersoq naapertorlugu aaqqiivigineqartarmata. Ilanngullugu pisortani oqartussaasut akornanni akiliinernik nuussinerit pillugit aalajangersakkanik ilanngussisoqanngilaq. Tamakku saniatigut siunnersuut piginnaasatigut pissutsinut il. il. maani nunami atuuttunut naleqqussarneqarpoq.

NemKontomik aaqqiissut, nammineq suliarisartakkat isumaginninnerillu annikinnerusut aqutigalugit akiliisarnernut atatillugu pisortani pisariillisaanermut sipaaruteqarnermullu tapersiissaaq.

Ukiut 50-it kingullit ingerlaneranni aningaasanik atuinermi allanngoriartortoqarpoq. Pingoartumik akiliinernik annerusunik, soorlu akissarsianik tunniussinermi, aningaasat akiliissutit siornatigumut sanilliullugit annikinnerulerput. Ilanngullugu ullumikkut innuttaasut suliffeqarfiiillu tamangajammik aningaaserivimmi kontoqarput. Ineriartornerup taamaasilluni pisortani allaffisornermut, innuttaasut suliffeqarfiiillu tamarmik aningaaserivimmi kontoqarnerannik aallaaveqartumut aaqqissuunnissamut tunngaviit pisariaqartut pilersippai.

NemKonto »nammineq toqqagassaavoq«, kontu innuttaasunit suliffeqarfinnillu ataasiakkaanit toqqarneqarsinnaassammat. NemKontomik toqqaaneq akornutaanngilaq, innuttaasut imaluunniit suliffeqarfiup, akiliinerup aalajangersimasup kontumut allamut ikineqarnissaanut taasisinnaanerannut.

Innutaaasunut suliffeqarfinnullu amerlasuunut, pisortanit oqartussaasunit assigiinngitsunik pisartagaqartunut, NemKonto oqilisaataasussaavoq, tassani oqartussaasunut assigiinngitsunut kontunormumik paasissutissiinissaq pisariaarutissammat.

Pisortat inatsisaanni aalajangersaaneq qarasaasiakkut aaqqiissutinut ikaarsaarnermi, kiisalu nammineq sulianik killilersuineq pisortani teknologiimik periarfissanik atuinerup siuarsarnissaanut tulluartuusinnaasoq nalilerneqarpoq.

Ullumikkut pisortani oqartussaasut akiliisarnermi ingerlatsinerat pillugu qarasaasiakkut aaqqiissutinik atugaqarsinnaanermut akornutaasinnaasunik inatsisitigut malittarisassaqartoqanngilaq. Aamma tamatumani piumasaqaatinik minnerpaaffiliisunik aalajangersakkaniq malittarisassaqanngilaq.

Kalaallit Nunaanni aningaaseriviit Danmarkimit IT-kkut nioqquteqartunik, Danmarkimilu aningaaserivinnut IT-kkut sullissinermi nioqquteqarnermik immikkut ilisimasaqartunik atugaqarput. Taamaammat aningaaseriviit NemKontomik aaqqiissut ilisimareerpaat, naatsorsuutigivaallu siunnersuutip atuutilersinneqarnera ajornartorsiutaassanngitsoq.

2. Siunnersummi immikkoortut pingaarerit

Pisortani oqartussaasut automatiskimik elektroniskiusumik akiliisarnermi ingerlatsinermut nuussappata, innuttaasut suliffeqarfiillu aningaaserivimmi kontoqarnissaat piumasaqaataavoq pisariaqartoq.

Siunnersuutip, Kalaallit Nunaanni inuit 18-it sinnerlugit ukiullit (ilaatigullu aamma inuit 18-it inorlugit ukiullit) aamma suliffeqarfiit aningaaserivimmi kontumik (NemKonto) innersuussinissaanut kinguneraa. Inuit imaluunniit suliffeqarfiit aningaaserivimmi allami kontumik innersuussisimannngippata, matumunnga akiliinerit pisussaafferutsitsisut naammassineqarsinnaapput.

Innutaaasut ataasiakkaat NemKontotik, matuma ataani aningaaserivik aamma kontumi piumasaqaatit il. il. nammineq toqqassavaat. Tamatuma saniatigut innuttaasut aamma suliffeqarfiit kontunik aalajangersimasunik, akiliinermut aalajangersimasumut akiliiffisassanik innersuussinissamut periarfissaqassapput. Inuit suliffeqarfiillu ataasiakkaat, kontumik toqqaanissaq akisussaaffigaat. Kontu toqqarneqartoq ass. kontusinnaavoq arlalinnik pigineqartoq. Kontumut akiliinerit pisortanut pisussaatitaafferutsitsissapput. Qaqugukkulluunniit aaqqissuussinermik akisussaasuusunut NemKontomik/NemKontonik paasissutissiissutigineqartunik allanguisoqarsinnaavoq.

NemKonto taamaallaat kontunik allanik akiliiffigisinnaasanik paasissutissanik peqannginnermi atorneqassaaq. Taamaammat isumaqanngilaq NemKontop pisortat akilersutai tamarmik kontumut ataatsimut akilerneqartarnissaanut kingunerissagaa.

Aningaaserivik aalajangersimasoq kontulu akiliiffigisassaq, innuttaasup aamma suliffeqarfiup suli nammineq aalajangigassarivaat. Taamaasilluni siunnersuutip innuttaasup aamma suliffeqarfiup aningaasaatiminik atoriaannaasaminik aqutsinissaanut ajorseriartitsinngilaq.

Inuup/suliffeqarfiup ataasiakkaap aamma aningaaseriviup allat susassarinngisaattut suleqatigiinnissaannut aningaaserivimmi kontumut piumasaqaataasoq siunnersuutip allanngortinngilaa. Inatsisisatut siunnersuut malittarisassanik, sullitap aningaaseriviullu akornanni attaveqarneq pillugu inatsisini allani malittarisassanik allannguinngilaq imaluunniit ilaartuinani. Assinganik pisussaatitaanermut pillugit inatsisitigut tunngavinnut nalinginnaasunut, sullitap ataatsip aamma aningaaseriviup ataatsip akornanni pissutsinik aalajangersaasunut tunngatillugu atuuppoq. Ass. aningaaseriviit kontuni aningaaserivimmiitsitani ilanggullugit naatsorsuisinnaanerat siunnersuut pissutigalugu annertusineqassanngillat imaluunniit ajorseriarneqassanngillat.

Aningaaseriviup inuk aningaaserivimmiitsitanut kontumik neqeroortussaaneranik aallaavittut pisussaaffimmik peqanngilaq, aningaaseriviilli inuinnarnut sullitanut aningaaserivimmiitsitanut kontumik, akissarsianik imaluunniit pisortat tapiissutaanik ikisivissatut siunertalimmik pilersitsinissamut pisussaaffeqarput.

Kalaallit Nunaanni aningaaserinermik suliffeqarfiit ileqqorissaarnissaat pillugu nalunaarut malillugu, nalunaarut nr. 252, 1. april 2005-imeersoq, § 12, aningaaserivik, aningaaserivimmiitsitanut kontumik pilersitsinissamik itigartitsisoq, tamanna pillugu sukumiisumik tunngavilersuissaaq. Inuup kontumik pilersitserusuttup, pisortanit ikorsiissuteqarnera imaluunniit allanik ikorsiissutinik isertitaqarnera piviusorsiutaasumik tunngavilersuutaanngilaq. Kisiannili sullitap itigartinneranut tunngavilersuutigineqarsinnaavoq, sullitaq nakuuserpat imaluunniit ajortumik piissusilersonpat kiisalu aningaaseriviup sulisuinut imaluunniit sullitanut akornutaappat.

Aningaaserivik inuussutissarsiuummik ingerlataqartumut kontumik pilersitsinissamik pisussaaffeqanngilaq. Kalaallit Nunaanni aningaaserinermik suliffeqarfiit ileqqorissaarnissaat pillugu nalunaarummi, aningaaserivimmiitsitanut kontumik pilersitsinissamut itigartitsinermut tunngavilersuilluarnissamut piumasaqaat, inuussutissarsiornermi sullitanut atatillugu atuutinngilaq, tak. nalunaarummi § 1, imm. 2. Suliassaqarfimmi tassani isumaqatigiissuteqarnermut kiffaanngissuseqarneq pillugu nalinginnaasumik aallaaveqarneq tamakkiisumik atuuppoq, annertunerusumik ataani nassuaat takuuk.

Innuttaasut suliffeqarfiillu ataasiakkaat, NemKonto qanoq kontuminut allanut ilaassanersoq nammineerlutik aalajangissavaat.

Siunnersuut naapertorlugu, innuttaasoq imaluunniit suliffeqarfik kontumik nammineerlutik innersuussinngippata imaluunniit innersuussisinnaanngippata Naalakkersuisut akiliisarnerup qanoq ingerlanissa pillugu malittarisassanik aalajangersaasinnaapput.

Inuit aningaaserivimmi kontoqanngitsut tassaapput, aningaaserivimmi kontoqarnissamut kissaateqanngitsut imaluunniit kontumik pilersitsinissamut periarfissaqanngitsut.

Siunnersummi Naalakkersuisut pisinnaatinneqarput akiliisaarnerup qanoq ingerlanissaanut malittarisassanik aalajangersaanissamut, tamanna pillugu inuk imaluunniit suliffeqarfik nalunaarfigineqareerpat pisortani oqartussaasunut pisussaafferutsitsissaaq. Tamanna pisortani oqartussaasut kontumik pilersitsineratigut pisinnaavoq, inuk imaluunniit suliffeqarfik pineqartoq tassani nammineq kontumik piginnittussatut kissaateqarsinnaavoq, imaluunniit kontu Namminersorlutik Oqartussanit imaluunniit kommunimit pigineqarsinnaalluni. Kontu aningaaserivimmi, Namminersorlutik Oqartussat isumaqatigiissuteqarfiani pilersinneqarsinnaavoq.

Kontu pisortat pigippassuk, innuttaasoq imaluunniit suliffeqarfik pineqartoq tigusisinaatitaassaaq.

Tunngavimmik inuup eqqarsaatiginerata aamma pisortani pisariillisaanissamut kissaatit eqaatsumik periarfissaqartilernerat qulakkeerneqarpoq.

Aningaaseriviit inuup aamma suliffeqarfiup kontumik ammaaniarnerat itigartissinnaavaat, tak. qulaani allassimasut. Tamanna aamma NemKontomut atuutissaaq. Pissutsit naapertorlugit inuit kontumik pilersitsisinnaanermut itigartinneqarsinnaapput, ersarissumik aamma sukumisumik tunngavilersuisoqarpat. Ilaatigut aamma inuit nakuusertut imaluunniit ajortumik pissuseqartut itigartinneqartarput.

Assigisaanik angerlarsimaffeqanngitsut il. il. ullumikkut aningaaserivimmi kontutaarnissaat ajornakusoorsinnaavoq, angerlarsimaffeqanngitsut kinaassutsimut uppermarsaatertik annaasarnerat peqqutigalugu.

Naalakkersuisut inunnut, aningaaserivimmi kontumik pilersitsinissamut periarfissaqanngitsunut akiliisarnissaq pillugu malittarisassanik aalajangersaanissamut piginnaatinneqarput. Piginnaatitsissut, eqimattat pineqartut pisariaqartitaannut periarfissaannullu tulluuttunik, aaqqiissutinik ataasiakkaajunerusunik aaqqissuussinissamut allanngorarsinnaanerunermik aamma periarfissaqarnerunermik qulakkeerininnissamut tapiissutaasinnaavoq.

NemKontomik allannguineq paassisutissanik taakkunannga aaqqissuussinermut akisussaasuusut ilaannut Naalakkersuisunit toqqarneqartumut pissaaq. Piumasaqaatigineqarsinnaavoq, aaqqissuussinermut akisussaasutut toqqakkap NemKontomik allaffissornera, aningaaseriviup kontunik ingerlatsineranut taamaattumillu ilusilersonerinut ilaasutut suliarineqassasoq.

Naalakkersuisut aalajangersinnaavaat, inuk imaluunniit suliffeqarfik nuuttoq CPR-imut imaluunniit CVR-imut nalunaarsuiffimmut nalunaarsorneranut atatillugu, aaqqissuussinermik akisussaasumut NemKontomik paasissutissasoq.

NemKontomik innersuussinissamut pisussaaffimmik illuartitsinerup nassatarisinnaanngilaa, innuttaasup imaluunniit suliffeqarfiup nalunaarsorneqarsinnaannginnera, nalunaarsuinissamut piumasaqaatit sinneri eqqortinneqarpata.

NemKonto aningaaserivimmi Kalaallit Nunaanni angerlarsimaffeqartumi kontuusariaqanngilaq, aamma aaqqiissut § 1 naapertorlugu inunnut suliffeqarfinnullu Kalaallit Nunaanni najugaqartunut taamaallaat atuuukkaluarluni.

Inuuusuttut 18-it inorlugit ukiullit, ikorsiissutinik tigusineq ajortut imaluunniit akileraarutitigut sinneqartoortinik tigusassaqanngitsut, NemKontomik peqartariaqanngillat. Pisortani oqartussaasunit innuttaasumut akiliinermut siullerpaamut atatillugu kingusinnerpaamik, aaqqissuussinermi akisussaasuusumut kontumik nalunaarutiginnineq pissaaq. Siunnersuummi § 1, imm. 3, tassungalu nassuaatit innersunneqarput.

Toqusoqarnerani imaluunniit suliffeqarfiup atorunnaarnerani il. il. nalunaarsuivimmi NemKonto peerneqassaaq. § 2, imm. 3-mi nassuaatit innersunneqarput.

Siunnersuutip Naalakkersuisut nalunaarsuivimmik NemKontot pillugit paasissutissanik imaqartumik pilersitsinissamut malittarisassanik aalajangersaanissamut piginnaatissavai. Anguniagaavoq ajornanngitsumik nikerarsinnaasumillu innuttaasuni, suliffeqarfinni pisortanilu iluaqtissanik annikinnerpaanik atuilluni pilersitsinissaq qulakteernissaanut.

Siunnersuut § 5, imm. 2 naapertorlugu, Naalakkersuisut inuit aamma inatsisitigut pisinnaatitaasut aningaaserivimmi kontu pigisaat pillugit paasissutissanik aallersinnaanissamut piginnaatinneqarput. Paasissutissat pisortani oqartussaasut allanit aamma akissarsialerivinnit aaneqarsinnaapput. Inuit suliffeqarfiillu nammineq ingerlattut nammineerlutik nalunaarsuivimmut kontumik nalunaaruteqarnissamut periarfissaqarnissaannut siunertaavoq.

3. Pisortanut aningaasaqarnikkut allaffissornikkullu sunniutissat

Siunnersuut pisortani soorlu kommunini, Namminersorlutik Oqartussani il. il. akiliisarnermi ingerlatsinerup iluani iluaqtissanik atugassangortitsinermut tunngavissiivoq. Ataatsimut siunnersuut oqartussaasuni akiliinernik ingerlataqartuni annertuumik sipaaruteqarnermik nassataqassasoq missingerneqarpoq. Assersuutigalugu Akileraartarnermut Aqutsisoqarfip ukiut tamaasa akileraarutitigut sinneqartoortinik, utertitsinernik assigisaannillu akiliinerit annertuut suliarisarpai. Ukiomoortumik akiliinerit ukiumut 25.000-it sinnertarai missingerneqarpoq. Innuttaasup Akileraartarnermut Aqutsisoqarfimmut kontu suna akiliiffigissaneraa paasissutissutigisimanngippagu, aqutsisoqarfip paasissutissat NemKonto pillugu nalunaarsuivik aqutigalugu aassavaa, tamannalu piffissamik sipaarfiussaaq. Taamatuttaaq pisortani oqartussat innuttaasunut suliffeqarfinnullu, tassung

ilanngullugit kommuninut, akiliisut pineqartup kontoa pillugu paasissutissanik pissarsisinnaanerup kinguneranik piffissamik sipaarsinnaapput.

Sipaarutaasinnaasoq aatsaat piviusungortikkiartuaarneqarsinnaavoq, aaqqissuussinermi aaqqiissutinik nutaanik pilersitsinikkut, kiisalu aaqqissuussinernik suleriaatsinillu atuutereersunik allanngortitsinikkut naleqqussaanermikkullu.

Naatsorsuutigineqarpoq aaqqissuussaareersunut aamma suleriaatsinut naleqqussaanermut aningaasartuutit maannamut aningaasaliissutaareersunit aningaasaliiffigineqassasut. Tunisassiat niuerfinni ilisimaneqarluareersut eqqartorneqarput.

NemKonto pillugu nalunaarsuivik 2021-p ingerlanerani ingerlanneqalernissaanut anguniarneqarpoq.

Aningaasartuuteqarneruneq ilaatigut NemKonto pillugu nalunaarsuivimmik pilersitsinermut ataasiartumik aningaasartuuteqarnermik, ilaatigullu ingerlaavartumik ingerlatsinermut aamma aserfallatsaaliuinermut aningaasartuutinik imaqassasoq naatsorsuutigineqarpoq. Kontunik il. il. nalunaarsuinermut atatillugu pilersitsinermut aningaasartuutit 1 mio. kr.-ussasut aamma ingerlaavartumik ingerlatsinermut aserfallatsaaliuinermullu 200.000 kr.-ussasut qularnartumik naatsorsuutigineqarput.

Kiisalu NemKonto pillugu siunnersortinit ikuutissat aamma paasissutissanut aningaasat pisariaqartinneqarput. Ataasiartumik aningaasartuutaasussat taakku 1 mio. kr.-ussasut qularnartumik naatsorsuutigineqarput.

NemKonto pillugu nalunaarsuivimmi il. il. atuineq pillugu isumaqatigiissutit inaarutaasut, taaneqareersutut piffissamik sipaaruteqarnermut sunniuteqassapput, taamaasillunilu siunnersuutip missingersuummi sunniutissaanut sunniuteqassallutik.

4. Inuussutissarsiornermut aningaasaqarnikkut allaffissornikkullu sunniutissat

Siunnersuutip suliffeqarfiit allaffissornerat taamaallaat sunnissavai.

NemKonto pillugu siunnersuutip suliffeqarfiit amerlanerpaartaannut allaffissornikkut annikinnerusumik oqilisaanissamik imaqarpoq.

5. Avatangiisimut, pinngortitamut inuillu peqqissusaannut sunniutissat

Siunnersuut avatangiisinut, pinngortitamut inuillu peqqissusaannut sunniuteqassasoq naatsorsuutigineqanngilaq.

6. Innuttaasunut sunniutissat

Siunnersuut innuttaasunut amerlanernut oqilisaanermik imaqassaaq, taamaasillunilu allaffissornikkut suliakkersuissannginneranut missingerneqarpoq.

NemKontot pillugit nalunaarsuivimmik pilersitsinermi annertusisamik eqqarsaatigineqassapput innuttaasut piumasaat. Innuttaasup qaqgukkulluunniit NemKontoni allanngortissinnaavaa.

Immikkoortoq I:

Innutaasut, namminneq NemKontomik nalunaaruteqarusuttut, tamatumunnga ammaanneqassapput.

Immikkoortoq II:

Innutaasunut, immikkoortoq I-imi nalunaaruteqarsimanngitsunut, akissarsialerivinnit, kiisalu pisortani oqartussaasunit kontut, ullumikkut aningaasarsiat tapiissutisiallu akilerneqartarfii pillugit paassisutissanik aallertoqarsinnaavoq. Tamanna pillugu innuttaasoq ilisimatinneqassaaq.

Immikkoortoq III:

Innutaasut, immikkoortoq I-imi imaluunniit II-mi katersorneqanngitsunut, NemKontomik nalunaaruteqarnissaq pillugu inummut attuumassutilimmut saaffiginninnikkut qinnuteqassapput. Kontumik innersuussineq, pisortani oqartussaasup akiliineranut siullermut atatillugu kingusinnerpaamik pissaaq.

Eqimattat aningaaserivimmi kontoqanngitsut, Namminersorlutik Oqartussanit imaluunniit kommunimit NemKontomik pilersitsineratigut pigineqarneratigullu isumagineqarumaarput, kisiannili inuk pineqartoq tassanngaanniit tigusisinnaatitaassaaq. Innuttaasoq qaqgukkulluunniit nammineq NemKontomik nalunaaruteqarnissaminut iliuuseqarsinnaavoq.

Inunniq isumaginninnermi siunertaasinnaavoq pinngitsuussallugu, eqimattat immikkut ittut aningaaserivimmi kontumik pilersitsinissamut ass. isumaginninnermi ikorsiissutinik tigusiffigisartagassamik itigartitaanissaat. Taamaattumik anguniarneqassaaq eqimattanut taakkununnga aaqqiisummik ineriartortitsinissaq. Tamanna angerlarsimaffeqanngitsut, tarnikkut nappaatillit il. il. kinaassutsimut uppermarsaateqarnissamut periarfissaanut atuuppoq, kiisalu aningaasanik tigutsimmik, aningaasanik tigusisarfinni automatini taamaallaat tigusissutaasinnaasumik peqarnissamut periarfissaannut atuulluni, ass. inunnut nakuusertartunut imaluunniit ajortumik pissuseqartunut.

7. Sunniutissat annertuut allat

Siunnersuut allanik annertuunik sunniuteqassasoq naatsorsuutigineqanngilaq.

8. Oqartussaasunik kattuffinnillu il. il. tusarniaaneq

Siunnersuut ulloq 21. januar 2020 tusarniaavimmi www.naalakkersuisut.gl
saqqummiunneqarpoq, kingusinnerpaamillu ulloq 10. februar 2020 akissuteqarfissaalluni.

Siunnersuut piffissami 14. januarimit 10. februar 2020-mut tusarniaaffigisani tulliuttuni tusarniaassutigineqarpoq:

SIK, IMAK, ASG, PPK, AK, GE, KNAPK, Deloitte, Grønlands Revisionskontor, BK Revision, EY Grønland, BDO, Grønlandske Advokater, GrønlandsBanken, Banknordik, Avannaata Kommunia, Kommuneqarfik Sermersooq, Kommune Qeqertalik, Qeqqata Kommunia, Kommune Kujalleq, Naalakkersuisut Siulittaasuata Naalakkersuisoqarfia, Inuussutissarsiornermut Nukissiuuteqarnermullu Naalakkersuisoqarfik, Aalisarnermut Piniarnermut Nunalerinermullu Naalakkersuisoqarfik, Pinngortitamut Avatangiisinullu Naalakkersuisoqarfik, Ineqarnermut Attaveqaqatigiinnermullu Naalakkersuisoqarfik, Ilanniartitaanermut, Kultureqarnermut Ilageeqarnermullu Naalakkersuisoqarfik, Nunanut Allanut Naalakkersuisoqarfik, Peqqissutsimut Naalakkersuisoqarfik, Isumaginninnermut, Inatsisinillu Atuutsitsinermut Naalakkersuisoqarfik, Datatilsynet, Moderniseringsstyrelsen.

Tusarniaanermit akissutit tulliuttunit tiguneqarsimapput:

Pinngortitamut Avatangiisinullu Naalakkersuisoqarfik, Aalisarnermut Piniarnermut Nunalerinermullu Naalakkersuisoqarfik, Nunanut Allanut Naalakkersuisoqarfik Isumaginninnermut, Inatsisinillu Atuutsitsinermut Naalakkersuisoqarfik, Banknordik, ASG, Peqqissutsimut Naalakkersuisoqarfik, GrønlandsBanken, Datatilsynet, Kommune Kujalleq, GE, SIK, Kommuneqarfik Sermersooq, Ilanniartitaanermut, Kultureqarnermut Ilageeqarnermullu Naalakkersuisoqarfik.

Nassuaatit tiguneqarsimasut ataani naalisarlugit nalinginnaasumik allannilimmik allanneqarsimapput, Naalakkersuisullu oqaaseqaataat *uingasumik* allanneqarsimallutik.

Nunanut Allanut Naalakkersuisoqarfik nassuaasimavoq nunat avannarliit naalakkersuisuisa Nunat Avannarliit nunarsuarmi peqataasitsinerpaat ilaanissaanut siunertaasoq. Taamaammat pingaaruteqarpoq maannakkut inatsisissatut siunnersuutip siunertamik ikorfartuissasoq aamma nunani avannarlerni innuttaasut suliffeqarfiillu Kalaallit Nunaannut attuumassutilit imaluunniit attuumassuteqarsimasut pingaaruteqartut, taakku pisortaqarfinnit akiliinernik pilersitsisut passussinnaanissaanut. Tassunga atatillugu, aningaasanik DKK-mit aningaasanut allanut nuussisarnerit akitsunnginnissaat qulakkeerneqartariaqarpoq.

Siunnersuut nunami allami aningaaserivimmi kontumik soorlu NemKontomik innersuussinissamik periarfissiivoq. Innuttaasoq assersuutigalugu islandimi kontumik soorlu NemKontomik innersuussissaguni, Inatsisartut inatsisaat malillugu periarfissaassaaq. § 1-imut nassuaat aamma takuuk. Aningaasanik allanut aggortitsinissaq pillugit aningaasartuutit siunnersuutip matuma killingisa malittarisassiornissaannut avataaniippuit.

Peqqissutsimut Naalakkersuisoqarfíup apeqqutigaa, sulisut siornatigut Kalaallit Nunaanni peqqinnissaqarfimmi sulilernerminni NemKontomik pilersitsisimasut kontortik pigiinnarsinnaaneraat?

Innuttaasup NemKontoa pillugu paassisutissat atorfeqarnerup allanngornerata kingorna peerneqarnavianngillat.

Piffissamik sivikitsumik peqqinnissaqarfimmi atorfeqarnermi NemKontomik qallunaat nunaanni pilersinneqarsimasumik piginniinnarnissaq periarfissaanersoq erseqqissuussaaq.

Siunnersuut aningaasaateqarfimmi kontumik, soorlu ilagalugu NemKonto innersuussiviusinnaaneranik periarfissiivoq.

Taakku saniatigut, qanoq ililluni peqqissaasutut sulisut aningaasarsiassaat sinneruttut tunniunneqarnissaat pillugu NemKontomik aaqqissuussaq peqqinnissaqarfimmi atorfeqarnerup naanerata aallareernerullu kingorna qanoq inisisimandersoq erseqqissarneqarnissaanut kissaatigineqarpoq.

Siornatigut atorfeqarsimasup nuunnerata kingorna NemKontoni atorunnaarsippagu, Peqqinnissaqarfik aamma pisortaqarfiiit allat assinganik innuttaasup aningaasarsiai sinneruttut sumut nuussanersut pillugit ullumikkutut attavigniarsinnaavaat.

Uani ersarinngilaq, § 3, imm. 1-imut oqaaseqaat ”nunamut allamut” qanoq isumaqarnersoq.

Tassunga atatillugu, nunat allat isumaqarpoq naalagaaffeqatigiinnerup avataani inisisimasut.

Peqqinnissaqarfip taakku saniatigut innuttaasut eqimattakkaat ajornartorsioreersut ernumagai. Inatsisisstatut siunnersuutip matuma eqimattakkaat Kalaallit Nunaanni innuttaareersut immikkoortillugit sunnissappagit naleqquutunngilaq.

Siunnersuutip matuma siunertaraa eqimattakkaat immikkoortitaareersut pissutsinut naligiissinneqarnerunissaat pillugu annerusumik ersarinnerulersinneqarnissaat.

Peqqinnissaqarfik sullisisut akiligassiissutinik eqquutsitsinngitsut pillugit, NemKontomik aaqqissuussamik siunissami atortuulersitsinissamik qanoq oqaloqateqarneq/attaveqaqatigiinneq qulakkeerneqarnissaanut ersarinnerusunik killigititassanik ujartuivoq.

Pisortaqarfip aamma sullisisup akornanni qanoq attaveqaqatigiinneq aalajangersimasumik killilerneqarnissaa qanoq ingerlanneqassanersoq eqqortuusorinanngilaq. Malittarisassat taakku piviusunngortinnejartussatut naatsorsuutigineqartut, pisortaqarfiiit aningaasarsialerisarnermi aaqqissuussisimaneranut ataasiakkaanut, tamatumalu saniatigut pisortaqarfiiit annertussusaat aamma pisortaqarfiiit suut akisussaaffigisaannut aporfüssanngillat. Taamaammat annertunerusumik pisortaqarfiiit ataasiakkaat aningaasarsialerineremi aaqqissuussinerminnut suli kiffaanngissuseqarfegassapput.

Grønlandsbankenip paasissutissiissutigaa, IT-mik sullissisortik aamma qallunaat nunaanni aningaasaateqarfinnut arlalinnut IT-kkut aaqqissuussanik sullissillutik, tassa taamaallaat ataasiinnarmik NemKontoqarnissaq periarfissaasoq – aamma qallunaat nunaanni imaluunniit Kalaallit Nunaanni aningaasaateqarfiunersoq apeqquataanngitsoq.

Siunnersuutip NemKontomik ataasiinnaarmik innersuussinissaq aallaavigaa. Siunnersuut § 4, imm. 2 NemKontomik ataaseq sinnerlugu pilersitsisinnaanermut akuersisumik malittarisassiinissamut periarfissiivoq. Nalunaarusiaq taamaallaat piffissami naleqquuttuusorisami aamma pisinnaatitsinermik taama ittumik periarfissiinermik pisoqassangatillugu ilanngunneqarpoq.

Datatilsynet isumaqarpoq, Naalakkersuisut Inuit Allattorsimaffiat § 5 inatsit pillugu piumasakaataanut naliliinerat inatsisissatut siunnersuutip oqaaseqataani ilaasariaqartoq.

Siunnersuut § 2-mi oqaaseqaatinut ilanngunneqareerpoq.

Datatilsynet isumaqarpoq, paasissutissat pisariaqanngitsumik annertusinissaannut aarlerinaat eqqarsaatigisariaqartoq, Nem-Kontomik nalunaarsuiffik paasissutissanik arlalinnik maannakkumut pisortaqarfinni pisariaqanngitsumik pigineqartunik imaqarsinnaanera ilimanarmat.

Imaassinggaavoq paasissutissat pisariaqanngitsut qalleraattut. Aarlerinartoq tamanna ilaatigut, § 5-imut oqaaseqaatit tunngavigalugit, piiyanissamut piffissami aalajangiinikkut killilerneqassaaq, ilaatigullu paasissutissat siusippallaamik piiarneqarsimappata, NemKontomik pilersitseqqinnermut attuumatillugu naleqqiussinikkut killilerneqarluni. § 5-imut oqaaseqaatit ataanni allassimasut malillugit piiyanissamut piffissaliussaq pillugu nalunaarut atsiorneqannginnerani Datatilsynetimut saqqummiunneqarumaarpoq.

Datatilsynetip siunnersuutigaa, inatsit 2, imm. 2 siunnersummi oqaaseqaatit, NemKontomik nutaamik innersuussisoqarpat NemKonto ”pisoqaq” allattorsimaffimmit peerneqarnissaa pillugu erseqqissarneqassasut.

Siunnersuut ilanngunneqarpoq.

Datatilsynetip malugeeqqua, inuit paasissutissaannik sullissineq inunnik paasissutissanik suliarinnittarneq pillugu inatsit tunngavigissaga, aamma Naalakkersuisut inuit paasissutissaannik sullissineq inatsimmik sorlermik tunngaveqassanersoq isumaliutigissagaat, kiisalu pissutsit taakku inatsimmut siunnersummut oqaaseqaatini erseqqissarneqassasut ilisimateeqquat.

Siunnersuut § 2-mut oqaaseqaatinut ataani allassimasunut ilanngunneqarpoq.

Datatilsynetip, kikkut paassisutissanik sullissinermut akisussaasuusut isumaliutiginninneqarsimanersoq imaluunniit paassisutissanik sullissisoqarnersoq erseqqisorinngilaa. Datatilsynetip tamanna ersarinnerusumik inatsisitigut oqaaseqaateqarnissaanut innersuussutigaa. Paassisutissanik sullissisumik aaqqissuussamut akisussaasoq toqcarneqarsimappat, aammattaaq Datatilsynetip paassisutissanik sullissinermut isumaqatigiissut, Inuit Allattorsimaffiat pillugu Inatsit § 42, imm. 2 aaqqinnejassasoq malugeeqquaa.

Siunnersuutit §§ 5 aamma 6 oqaaseqaataaanut ataani allassimasunut ilanngunneqarput.

Kommune Kujalleq, § 8-mi allassimareersumut minnerpaamik inatsisip oqaaseqaataaanut toqqaannartumik allanneqarnissaa eqqarsaatigineqartariaqartoq unnersuussivoq.

Aalajangersagaq atorunnaarnikuuvvoq.

Kommune Kujalleq Danmarkimi suliffeqarfiiit imminut ingerlattuni aamma suliffeqarfiiit allat NemKontomi piumasaqaataanik atuinissamut periarfissanik ujartuivoq, tamatumalu ataani Danmarkimi NemKontomut aaqqissuussanik atuuttoqarsinnaanersoq, Kalaallit Nunaata aaqqissuussaanut tulluuttunik ujartuillunilu.

Inatsisartut Danmarkimi imaluunniit nunani allani malittarisassat akuerisaasimasut atuutsinneqartut akuerinissaanut periarfissaqanngillat. Kalaallit Nunaanni NemKonto aaqqissuussaqt qallunaat atugaasa assinganik pilersitsisoqarnissaanut siunertaavoq, taammaamat qallunaat suliffeqarfii, pisortaqarfii, atorfefqarfii il. il. annertunerusumik ajornartorsiuteqannngitsumik Kalaallit Nunaanni aaqqissuussamut naleqqussarneqarsinnaanera naatsorsuutigineqarpoq.

Sulisitsisut siunnersuut § 5, imm. 2 inuinnaat aamma suliffeqarfiiit privatimik suliaannut pisortaqarfinnit marsernertut isigaat. Inatsisitigut allanguinerit aasiit malersuinermik, pisortaqarfiiit inunnut aamma suliffeqarfinnut namminersortunut annerusumik allaffissornissaannut kinguneqartussangortumik, aallaaveqarput. Aalajangersagaq unnersuussutigineqarpoq peerneqassasoq.

Bankkontut allattorsimareersut pillugit paassisutissanik pisortaqarfinnit allanit aallersinnaaneq ungasillineqarneranut, suna peqqutaanersoq ersarissorineqanngilaq. § 5-imut oqaaseqaataareersut tunngavigalugit, innuttaasoq imaluunniit suliffeqarfik kontumik, soorlu nammineerluni NemKontomik innersuussisimanngippat paassisutissat taamaallaat aaneqarsinnaapput. NemKontomi aaqqissuussat iluaqtai piviusunngortinnejassappata, aaqqissuussamut amerlanerpaat peqataanissaat pingaaruteqarpoq.

Saniatigut Sulisitsisut, siunnersuut § 8, imm. 2 peerneqassasoq imaluunniit minnerpaamik pisortaqarfitt akiligassaqarfinnut, taakku elektroniskimik akiliinermut aqutsineq pillugu malittarisassat unioqqtissimappagit, akiliinissaat kinguartinneqassanngitsoq siunnersuutigaat.

Aalajangersagaq atorunnaarnikuuvvoq.

Kommuneqarfik Sermersooq innersuussivoq, innuttaasut naatsorsuutiminnik killifitsik pillugu aallersinnaanerat taamaallaat innuttaasup aamma aningaasaateqarfip akornanni, NemKontomik pilersitsiffiusumiinnaq pisinnaassasoq.

Siunnersuummi matumani innuttaasup bankkontuanit naatsorsuutinik imaluunniit assigisaanik aallernissaq pillugu malittarisassanik malitaqarnissamut tunngavittaqaanngilaq. Taamaallaat, innuttaasup imalunniit suliffeqarfip kontunormu pigisaanik paasissutissat § 1-im i laasut, aamma kontumik aningaasaateqarfimmi sorlermi pilersitsisoqarsimasumit aaneqarsinnaapput.

Kommuneqarfik Sermersuup pisinnaatitaaffini DUT tunngavigalugu aningaasaqarnikkut taarsiivigineqarnissaaq qinnutigaa. (Tamakkiisumik oqimaaqatigiittoqarnissaanut tunngavik).

Immikkoortoq 3-mi taaneqareersutut siunnersuut pisortaqarfinnut akiliisartunut annertunerusumik sipaarfiussasoq naatsorsuutigineqarpoq. Tamanna aammattaaq kommuninut ikorsiissutinik arlalinnik akiliisartunut atuuppoq. NemKontomut nalunaarsuiffimmik pilersitsineq aamma ingerlatsineq aningaasartuuteqarnermik kinguneqassaaq. Aallaqqaatitut naatsorsuutigineqarpoq aningaasartuutit taakku Namminersorlutik Oqartussanit aningaasartuutigineqassasut. DUT tunngavigalugu ilimanarneruovoq, kommunit NemKontop aaqqissuussaanut ikaarsaernerani sipaarutit kommunit tapiissutaanut annikillisaassasut.

Tusarniaanermut peqataasut allat siunnersuummut tapersersuippuit imaluunniit oqaaseqaateqanngillat.

Siunnersummi aalajangersakkanut ataasiakkaanut nassuaatit

§ 1-imut

§ 1-imut

Aalajangersakkap siunnersuutaasup siunertaraa, kikkut tamaasa Kalaallit Nunaanni najugaqartut aamma inatsisitigut pisinnaatitaasut, aningaaserivimmi kontumik innersuussinissamut, siunnersummi NemKontomik taaneqartumik pisussaaffilissallugit. Najugaqarnermik piumasaqaammut nalornineq pingitsoorniarlugu, aalajangersagaq CPR-imi nalunaarsuivimmut atavoq, kingusinnerusukkut pineqartoq Kalaallit Nunaannit aallarsimasutut nalunaarsorneqannginissaa pingitsoorniarlugu.

Kontu innersuussaq aningaaserivimmi pilersinneqassaaq, aningaaserivilu Kalaallit Nunaanni, Danmarkimi, Savalimmiuni imaluunniit nunani allani inississimanera apeqqutaanngilaq. NemKontomik pilersitsinermut isumaqatigiissut, aamma kontup aqunneqarnera, sullitap aningaaseriviullu akornaniinnaq ingerlassaaq, inatsisinillu allanit aamma tunngaviusumik obligationinik nalinginnaasunit naleqqussarneqarneqarluni. Siunnersuut, taakkununnga malittarisassanut tunngavinnullu allannguisunik imaluunniit ilassutaasunik imaqanngilaq. Ass. siunnersuutip aningaaseriviit kontumik naatsorsuisinnaanerat annertusissanngilai imaluunniit ajornerulersissanngilai. Assinganik kontunik nuussinermut aamma atorunnaarsitsinermut il. il. atatillugu malittarisassat nalinginnaasut atuupput, aamma kontumik nuussineq aamma atorunnaarsitsineq il. il., NemKontotut innersuunneqartuugaluarpat atuupput.

Amerlanertigut innuttaasoq imaluunniit inatsisitigut pisinnaatitaasoq kontu nammieq pigeriikkani, NemKontotut innersuutissagaa naatsorsuutigineqarpoq. Kisianni aamma kontumik immikkut atortorissaaruteqanngitsumik nutaamik innersuussisoqarsinnaavoq. Kontu pisortani oqartussaasunit akiliiffissatut atornissaa pingaarneruvoq. NemKonto taamaasilluni pisortani oqartussaasunit innuttaasoq imaluunniit suliffeqarfik, akiliinermik aalajangersimasumik akiliiffissamik aningaaserivimmi kontumik allamik innersuussisimanngippat atorneqarsinnaavoq, tak. imm. 3.

Pisortani oqartussaasumit aningaasat akiligassat, kontumut sumut akilerneqassanersut nalornissutigineqarpat, kontu § 1 naapertorlugu innersuussutigineqartoq atorneqarsinnaavoq.

Ilanngullugu, innuttaasunut, suliffeqarfinnut imaluunniit inatsisitigut pisinnaatitaasunut allanut aningaasanik akiliineq inatsimmi aalajangerneqarpat NemKontomut pissasoq NemKonto atorneqarsinnaavoq.

Imm. 1-imi, inuit 18-ileereersut, Qitiusumik Inuit Allattorsimaffiat pillugu inatsit pillugu Kalaallit Nunaanni peqqussumi § 3, imm. 1, nr. 1 naapertorlugu inuup normuanik tunineqarsimasut, aningaaserivimmut kontumik – NemKontomik – pisortani oqartussaasut

aninkaasaniq akiliinernik tigusiffigisinnaasaminnik innersuussinissamut pisussaaffeqassasut siunnersuutigineqarpoq.

Ukiut pillugit piumasaqaatip saniatigut CPR-normumik tunniussineq inunnik innersuussinissamut pisussaaffeqarnermut ilaasunik killiliinissamut aamma piumasaqaatitut toqqarneqarpoq. Inuit 18-it ataallugit ukiullit inuillu Namminersorlutik Oqartussanit naalagaaffiup avataanut aallartitat, Qitiusumik Inuit Allattorsimaffiat pillugu inatsit pillugu Kalaallit Nunaanni peqqussut naapertorlugu inuup normuanik tunisissimasut, pisortanilu oqartussaasunit akiliinernik tigusisartut, aamma NemKontomik innersuussissapput.

Imm. 2-mi siunnersuutigineqarpoq, inatsisitigut pisinnaatitaasut, Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaanni § 1 naapertorlugu, CVR-normumik tunineqarsimasut, pisortani oqartussaasunit aningaasanik akiliinernik tigusinissamut kontumik innersuussinissamut pisussaatitaassasut. Tamanna aamma inummut, sulisitsisutut imaluunniit namminersorluni inuussutissarsiuummik ingerlatsisutut, CVR-normumik tunineqarsimasumut atuuppoq. Suliffeqarfiit akileraartarnermut ingerlatsivimmi inuussutissarsiuummik ingerlatsisutut nalunaarsorneqartariaqarsimasut, innersuussinissamut pisussaaffimmik assingusumik pisussaaffeqarput. Oqaatigineqassaaq, killiliineq tamanna Qitiusumik Suliffeqarfinnik Nalunaarsuiffimmi nalunaarsuisarneq pillugu Inatsisartut inatsisaanni § 2-mi inatsisitigut immikkoortunik killiliinermit annikinnerusoq, tassani pisortani oqartussaasut imm. 2-mi siunnersuutigineqartumi ilaanggimmata. Naalakkersuisulli § 1, imm. 8, oqaaseqatigiit aappaanni aalajangersagaq naapertorlugu, malittarisassanik, kommunit kommuninilu kateriffiit aningaaserivimmi kontumik innersuussinissamut pisussaaffilerlugit aalajangersaasinnaavoq.

Pisortani oqartussaasut pisussaaffiaasumik aningaaserivimmi kontumut aningaasanik akiliisinjaavoq, imm. 1-2-mi allassimasut malillugit.

NemKontomut aaqqissuussaq aqqutigalugu akiliutit nassiunneqassappata, akiligassamik tigusisup kinaassusaanut paassisutissat CPR imaluunniit CVR-normu pisariaqarput. Tamanna isumaqarpoq, peqatigiiffik CVR-imi allattorsimaffimmut ilanngussimannngippat aamma NemKontomik innersuussimannngippat, kommuni peqatigiiffimmut tapiissutnik akiliisussaq nammineerluni akiliissasoq. Imm. 3-mi siunertaavoq pisortat allaffisorneranni ajornannginnerulersitsisoqassasoq, tassa tapiiffigineqartut il.il. aallaaviusumik kinaasuutsiminnik nalunaaruteqarnissamut imatut peqqunneqassammata innuttaasunut/suliffeqarfinnut akiliisarneq assigalugu akiliisoqartassammat, tassa NemKonto atorlugu. Tamannali imm. 4 pineqartillugu atuutinngilaq, ataaniittoq takuuq.

Kiap peqatigiiffik nalunaarsussaneraa piumasaqaataanngilaq. Taamaammat pisortaqarfik akiliisussaq peqatigiiffimmik isumaqatiginninnerup kingorna peqatigiiffik sinnerlugu nalunaaruteqarsinnaassaaq. Pisortanit akissarsiaqartarnermut piumasaqaatitut NemKontomik innersuussinissamut pisussaassuseq eqqaassanngikkaanni, peqatigiiffimmut CVR normumik tunniussineq allanik pisussaaffiliinngilaq.

Peqatigiiffinnut il. il. namminerisamik CVR-normumik nalunaarsorneqarnissamut piumasaqaatinut eqquutsitsinngitsut, imm. 3-mut ilanngunneqassanngitsut imm. 4-mi siunnersuutigineqarpoq. Assersuutigalugu tassaasinnaapput peqatigiiffiit pineqatigiiffiup siunertaa (malittarisassai) pillugu isumaqatigiissusiorfigineqarnikuunngitsut.

Inuk imaluunniit inatsisitigut pisinnaatitaasoq kontumik allamik akiliiffissamik innersuussisimappat, imm. 5 naapertorlugu NemKontomut akiliisoqassanngilaq. Tapiissut apeqquaatillugu NemKontonut arlalinnut innersuussisinnaanermut periarfissaq pillugu, § 4, imm. 3-mut nassuaatinut innersuussisoqarpoq.

§ 1, imm. 1 imaluunniit 2 naapertorlugit pisortanit akiliinermi siullermi kingusinnerpaamik kontumik innersuussisoqassasoq imm. 6-im i aalajangersarneqarpoq.

Imm. 7-im, Naalakkersuisut Qitiusumik Inuit Allattorsimaffianni, Qitiusumik Suliffeqarfinnik Nalunaarsuiffimmi imaluunniit akileraartarnermut ingerlatsivimmi inuussutissarsiuummik ingerlatsisut nalunaarsuivianni nalunaarsuinermut imaluunniit nalunaarsuinermik allannguinermut atatillugu, § 6 naapertorlugu aaqqissuussinermik akisussaasumut NemKonto innersuunneqartoq pillugu nalunaaruteqartoqartassasoq malittarisassanik aalajangersaasinjaasut siunnersuutigineqarpoq. Tamanna siunnersuummi § 2, imm. 1-im itisilerneqarpoq. Nalunaaruteqarnissamut pisussaaffik kontumik piginnittumiissaq, kisianni pineqaatissartaqassanngitsoq siunnersuutigineqarpoq. Pisinnaatitsissummut siunnersuutigineqartumut tunngaviuvoq, siunertamut tulluarsinnaammatt, Qitiusumik Inuit Allattorsimaffiannut, imaluunniit Qitiusumik Suliffeqarfinnik Nalunaarsuiffimmut nalunaarsuinermut imaluunniit nalunaarsuinermik allannguinermut atatillugu NemKontomik innersuussineq pisassasoq. Pisinnaatitsissummi siunertarineqanngilaq, nalunaarsuivinni taaneqartuni nalunaarsuinermut piumasaqaatinik allanngortoqarsinnaanera. Taamaammat nalunaarsuinissamut piumasaqaatit malinneqarpata innuttaasoq imaluunnit suliffeqarfik nalunaarsorneqarsinnaanngitsoq, innersuussinissamut pisussaaffimmik illuartitsinerup nassatarisinnaanngila.

Imm. 8, Naalakkersuisut CPR-imut aamma CVR-imut nalunaarsuivinnit nalunaarsuinernit nalunaarsuinerit allat, NemKontomik innersuussinissamut pisussaaffimmik imaqarnissaannik malittarisassanik aalajangersaanermut pisinnaatitaanissaanik imaqarpoq. Tamanna nunami allamiunut Kalaallit Nunaanni najugalinnut, CPR-normumut taarsiullugu nalunaarsorneqarnermut normumik assingusumik tunineqartunut atuuppoq. Naalakkersuisuttaaq aalajangersarsinnaavaat, imm. 1-3-mi inuit aamma inatsisitigut pisinnaatitaasut taaneqartut saniatigut, ass. pisortani oqartussaasut, innersuussinissamut pisussaatitaanermut ilaassasut, tak. qulaani imm. 2-mut nassuaatit.

§ 2-mut

NemKontomik innersuussineq aaqqissuussinermik akisussaasumut, § 6 malillugu toqqarneqartumut pissasoq, imm. 1-im siunnersuutigineqarpoq.

Inatsisartut inatsisaat tunuliaqutaralugu kontot pillugit paasissutissat il. il. aaneqartut, § 5, imm. 1-4, Inunnut paasissutissanik suliarinnittarneq pillugu peqqussut aqqtigalugu inuit paasissutissaanik suliarinnittarnermut malittarisassat tunngavigalugit suliarineqassapput. Tamanna isumaqarpoq sammisamut katersineq tunngavilersorluakkamik pissasoq, kingusinnerusukkullu suliarinninneq siunertanut naleqqiuttusaalluni. Paasissutissat suliarineqartut naleqqutissapput amigarnatillu, aamma paasissutissat katersuinissamut kingornalu suliarinninnissamut kisiat pisariaqartunik imaqarlutik. Taakku saniatigut paasissutissat nutarteriaannanngorlugin aqqissorneqassapput. Paasissutissat eqquunngitsut imaluunniit salloqittaataasut piaarnerpaamik peerneqassapput imaluunniit aqqinnejarlutik. Inuit Allattorsimaffiannut paasissutissanut inatsit § 5, imm. 5-imut tunngatillugu, § 5-imi peersinissamut killigititamut allassimasoq innersuunneqarpoq.

Imm. 2-p, inuit inatsisitigullu pisinnaatitaasut siunnersuummi § 1-imut ilaasut kontumik innersuussereeraluartut, qaqugukkulluunniit kontumik nutaamik innersuussinissaannut periarfissippai. Allannguutit paasissutissiissutigineqartut oqaaseqatigiit aappaat malillugit, piffissap nalunaaruteqarnerup kingorna kingusinnerpaamik aningaaseriviup ammaffiata tallimaannit inatsisitigut atuutilissapput.

Tamanna soorunalimi akornutaanngilaq, kontumik piginnittup, piffissaagallartillugu allannguinissamik nalunaaruteqarnissamut kissaateqartup, nalunaaruteqarnermi kingusinnerusukkut inatsisitigut atulersitsinissaq aalajangersassappagu.

NemKonto nutaaq inatsisitigut atuutilerpat, paasissutissat NemKonto "pisoqqami" nalunaarsorfianit peerneqassapput.

Imm. 3-mi, inuit toqunerini imaluunniit inatsisitigut pisinnaatitaasut atorunnaarnerini kontunormut nalunaarsuivimmut nalunaarsorneqarsimasut, siunnersuut § 5 naapertorlugu pilersinneqarsinnaasut nunguterneqassasut aalajangersarneqarpoq. Naalakkersuisut § 6 naapertorlugu aqqissuussaanermi akisussaasoq toqqagaat, nunguterinissamut pisussaatitaaffeqarpoq. Pisussaatitaaffik taanna atuutilissaqq, pigisanik agguassisarnermut eqqartuussiviup toqusup kingorna pigisaanik aggualluni naammassinnippat. Eqqartuussiviup suliffeqarfik akiliisinnaajunnaartutut nalunaarutigineqartoq pillugu pigisaanik suliaqarnera naammassippat, inatsisitigut pisinnaatitaasoq pinngitsaaliisummik atorunnaarsinneqarpat, sulianik unitsitsineq atulersinneqarpat, imaluunniit inatsisitigut pisinnaatitaasoq allatut atorunnaarsinneqarpat inatsisitigut pisinnaatitaasut pisussaaffiat atuutilersarpoq.

Inuk, sulisitsisutut imaluunniit namminersorluni inuussutissarsiuummik ingerlatsisutut CVR-normumik tunineqarsimasoq - tak. siunnersuummi § 1, imm. 2, oqaaseqatigiit aappaat, taakkununngalu nassuaatit – akiliisinnaajunnaartutut nalunaarutigineqarpat, pineqartup NemKontoa pillugu paasissutissat nalunaarsuivimmi peerneqassapput. Pineqartoq aamma nalinginnaasumik § 1, imm. 1-imut ilaasassaqq. NemKonto pillugu paasissutissaq aalajangersagaq naapertorlugu innersuussaqq - § 1, imm. 2, oqaaseqatigiit aappaat

naapertorlugu kontumut innersuunneqartumut assingusinnaasoq - pineqartup siunissami sammisanut allanut pisariaqartimmagu, nunguterneqassanngilaq.

Akiliisinnaajunnaartutut nalunaarutigineqartoq inuuppat imaluunniit suliffeqarfipat namminersortoq, aamma akiliisinnaajunnaarnermi pigisat nutaamik NemKontotaarnissaat pisariaqarpat, pigisanik agguassisarnermik eqqartuussivik aamma akiliisinnaajunnaartup pigisaanik nakkutiginnittup, akiliisinnaajunnaarnermi pigisanut NemKontomik nalunaarsuinissaanut akisussaaffigaat. Imaassinaavoq pisortat akiliisinnaajunnaarnermi pigisanut, aningaasanik akiliissallutik, taannalu akiliisinnaajunnaartutut nalunaarutigineqartoq allanik sammisassaqqassasoq NemKontomik pisariaqartunik.

§ 3-mut

Aalajangersaneq tunngaviliivoq, nunami akiliinernut assingusunut, ulloq taanna sullississutaasunut sanilliullugit piffissami kingusinnerusumi tiguneqaraluarpataluunniit, naalagaaffiup iluani akiliinerit piffissaq eqqorlugu akiliinerusimappata innuttaasunut suliffeqarfinnullu Danmarkip, Savalimmiut aamma Kalaallit Nunaata avataaniittunut akiliinerit piffissaq eqqorlugu akiliinertut isigineqassasut.

Aalajangersakkap siunnersuutigineqartup, akiliineq qaqgukkut piffissamik eqquinersoq aalajangersassallugu siunertarinngilaa. Akiliinerup piffissap eqqornera inatsimmit, tigussaasunik akiligassaqarnermik aalajangersaasumit, aamma ilaatigut pisortani oqartussaasut aamma tigusisussap akornanni isumaqtigiiissutaannit aalajangerneqartapoq. Aalajangersakkap taamaallaat siunertarivaa pisortani oqartussaasut, aningaaseriviit nunani allani kontunut aningaasanik nuussineranut atatillugu kinguaattoorneranut, akisussaaffeqassanngitsut.

§ 4-mut

Imm. 1-imi siunnersuutaavoq, Naalakkersuisut pisortani oqartussaasut, inunnut aamma inatsisitigut pisinnaatitaasunut inatsisissatut siunnersuummi § 1-imi ilaasunut, NemKontomik innersuussisimanngitsut qanoq pisussaafferutsitsisunik akiliisinnaanersut malittarisassanik aalajangersaanissamut piginnaatinneqassasut. Pisinnaatitsisummi siunertaavoq – immaqa qaqtigut pisartussaq - § 1 naapertorlugu innersuussinissamut pisussaaffiup malinneqannginnera nalilersussallugu. Pisuni taama ittuni pisortani oqartussaasut pisussaafferutsitsisumik akiliisinnaanersut malittarisassanik sukumiinerusunik aalajangersaasoqarnissaa pisariaqartinneqarpoq. Tamanna oqartussaasup, innuttaasumut/suliffeqarfimmuit tigusiffiusinnaasumik aningaaserivimmi kontumik pilersitsineratigut pisinnaavoq. Kontu Namminersorlutik Oqartussanit imaluunniit kommuninit pigineqassaaq. Tigusisup kontu pilersinneqartoq pillugu nalunaarfigineqarnissaa, pisussaafferutsitsisumik akiliinermut piumasaqaataavoq.

Piginnaatitsinermik nikerarsinnaanermut perarfissaq qulakkeerneqassaaq, taamaasillunilu akiliinermi ingerlatsinernut malittarisassat, innuttaasut, suliffeqarfifit, aningaaseriviit kiisalu

pisortani oqartussaasut innimittassammag. Inuit aamma suliffeqarfiit, aningaaserivimmi kontumik pisaarsinnaanngitsut pillugit nassuaatit nalinginnaasut innersuunneqarput.

Pisortani oqartussaasut taamaasillutik qulakkiissavaat, aningaasanik piffissaq eqqorlugu akiliisoqartarnissaa, kisiannili kinguattoornissamut, matuma ataani innersuussinissamut pisussaaffimmik illuartitsinerup kingunerisaanik aningaasartuuteqarnerunissamut aarlerinaat, innuttaasunit aamma suliffeqarfinnik il. il. nammanneqassaaq.

Imm. 2-mi piumasaqaataavoq, akiliineq periarfissaanngissappat, assersuutigalugu tigusisussap nunamut allamut nuunnerminut atatillugu NemKontoni matusimanera peqqutaalluni aamma najugaqarfiup nutaap imaluunniit aningaaserivimmi kontup nutaap paassisutissaanik tunniussisimanngippat, akiliinissat “utaqqiisaasumik kontumut” ikineqaralllassapput. Allaffissorermik peqquteqartumik siunnersuutigineqarpoq, aningaasat utaqqiisaasumik kontumiittut Namminersorlutik Oqartussanut tunngatillugu Nunatta Karsianut imaluunniit kommuninut tunngatillugu kommunit karsianut nuunneqartassasut, akiliinerit akiliiffissap ukiut tallimat siornatigut ullulerneqarfianit pisimanngippata. Aningaasaatit pissaritinneqartut pillugit tigusisussap pisinnaatitaaffiinut apeqqutit pillugit, malittarisassat nalinginnaasut atuuttut malillugit aalajangiisoqassaaq, pisassaritinneqartut suulluunniit qaquguluunniit pisoqalsoornissamut malittarisassat ilaallutik.

Imm. 3 tunngavissiivoq, kontunik arlalinnik innersuussisinnaanermut Naalakkersuisut malittarisassanik aalajangersaasinnaassasut. Assersuutitut taaneqarsinnaavoq, inuit imaluunniit suliffeqarfiit il. il. akiliinernut assigiinngitsunut kontunik assigiinngitsunik toqqaasinnaanermut periarfissinneqarnerat. Taamaasilluni § 4, imm. 2 naapertorlugu malittarisassat atulersinneqartut, inuup imaluunniit inatsisitigut pisinnaatitaasup kontunik arlalinnik, NemKontotut atortunik nalunaarutiginnissinnaaneranik imaqassapput. § 1, imm. 3-mi siunnersuutigineqartup akerlianik, tassani innuttaasut imaluunniit suliffeqarfiit kontumik allamik akiliiffissamik innersuussisinnaanerannik, imm. 5-ip imaraa, kontunik arlalinnik, pisortat akiliinerinut assigiinngitsunut atorneqarsinnaasunik innersuussisoqarsinnaasoq.

§ 5-imut

Imm. 1-imi aalajangersakkamik siunnersuutigineqartoq tunngavissiivoq, nalunaarsuivimmik, innuttaasut aamma suliffeqarfiit il. il. siunnersummi §§ 1 aamma 2-mut ilaasut aningaaserivimmi kontut pillugit paassisutissanik imaqartumik pilersitsinissaq pillugu Naalakkersuisut malittarisassanik aalajangersaasinnaasut. Nalunaarsuivimmik pilersitsinissamut siunertaavoq kontut, innuttaasut aamma suliffeqarfiit aaqqissuussaanermik akisussaasumut NemKontotut nalunaarutigisaat pillugit paassisutissanik katersinissaq. NemKonto pillugu aaqqiisummik pilersitsinermut tunngaviuvoq, kontut, NemKontotut nalunaarsorsimasut pillugit paasisutissanik qitiusumik katersuinissaq, kiisalu aningaasanik akiliinermut atatillugu paasisutissanik pissarsinissaq. NemKonto pillugu aaqqiisummum siunnersuutigineqartup taamaasilluni, nalunaarsuivik taamaattoq pilersinneqarnissaa pisariaqartippaa, taamaanngippat aaqqiissut sulinermi atorsinnaassanngilaq.

Inuit pillugit paasissutissanut inatsimmut atatillugu Naalakkersuisut akisussaasutut naatsorsuutigineqarput.

Inatsisartut inatsisaanni peersinissamut killigititamik aalajangersaanissaq siunnersuutigineqanngilaq, tassani siunertamut tulluarnerusumik § 5, imm. 1 naapertorlugu malittarisassanik aalajangersaasoqarsinnaammat. Nalunaarutip atulersinneqannginnerani Datatilsynimut oqaaseqaateqarfisassatut saqqummiunneqassaaq.

Imm. 2 periarfissiivoq, Naalakkersuisut nalunaarsuivimmik pilersitsinermut atatillugu, aningaaserivimmi kontut pillugit paasissutissanik pisortani oqartussaasunit allanit aamma akissarsialerivinnit, pisortani oqartussaasut imaluunniit suliffeqarfiit namminersortut sinnerlugit akissarsiat pillugit paasissutissanik suliaqartartunit aallersinnaassasut. Tamatumani naammassinninnerup immikkoortunut marlunnut avinneqarnissaa naleqquttuusinnaavoq: Immikkoortoq siulleq, inuit suliffeqarfiillu nammineerlutik nalunaaruteqarsinnaanerannik ammaassinerlik imaqarpoq. Immikkoortoq tulliusumi, eqimattanut nammineq nalunaaruteqarsimanngitsunut, pisortanit ikorsiissutinik »kontumit kontumut« pisartunut, imaluunniit akissarsialerivik aqqutigalugu akissarsianik akiliiffigitittartunut paasissutissanik automatiskimik nalunaarsuivimmut nuussisoqartassalluni. Naggataagut eqimattani kiserngoruttoqassaaq, ikorsiissutinik akiliinermut assigisaanullu siullermut atatillugu kontumik tunniussinissamik pisariaqartitsiffiusinnaasumik.

Malugineqassaaq, kontunormu, inummut imaluunniit inatsisitigut pisinnaatitaasumit § 1-imut ilaasumit pigineqartoq, kiisalu kontu aningaaserivimmi sorlermi pilersinneqarsimanersoq pillugit paasissutissat kisimik ingerlateqqinnejarsinnaammata. Taamaattumik periarfissaanngilaq malittarisassanik aalajangersaassalluni, ass. kontup imarisai pillugit paasissutissanik ingerlatitseqqissinnaaneq. Naalakkersuisut aalajangersinnaavaat, aaqqissuussinermi akisussaasoq, siunnersummi § 6 naapertorlugu toqqarneqartoq, pisinnaatitaasoq paasissutissanik taaneqartunik aallernissamut.

Nalunaarsuivimmik pilersitsinermut atatillugu Naalakkersuisut pisariaqartitsinermi Datatilsyni ilaatisinnaavaat. Inuit pillugit paasissutissanik suliarinnitarneq pillugu inatsimmi malittarisassat malinnejartussaassapput, tamatuma ilaatigut imaraa, ingerlatitseqqinnej, paasissutissiinissamut pisussaaffik aamma nalunaarsorneqartup naammagittaalliuteqarnissamut pisinnaatitaaffia pillugit inatsimmi malittarisassat NemKonto pillugu paasissutissanik suliaqarnermut atatillugu atuuttut. Inummut paasissutissanik suliarinnitarneq pillugu inatsimmi kapitali 12-imi malittarisassat malillugit nalunaarsuiffik Datatilsynimut nalunaarutigineqassaaq, kiisalu inuit pillugit paasissutissanik nakkutiginninnissaq pillugu isumannaatsuunissamut iliuutsit, Kalaallit Nunaanni pisortat ingerlatsineranni suliarineqartut pillugit nalunaarut nr. 1401, 30. november 2016-imeersumi malittarisassat eqqortinneqassallutik. Naalakkersuisut inummut paasissutissanik suliarinnitarneq pillugu inatsit eqqarsaatigalugu paasissutissanut akisussaasuuvooq, tak. inatsimmi § 3, nr. 4, aaqqissuussinermullu akisussaasoq, Naalakkersuisut siunnersummi § 6 naapertorlugu toqqagaat, paasissutissanik suliaqartutut isigineqassaaq, tak. inuit pillugit paasissutissanik suliarinnitarneq pillugu inatsimmi § 3, nr. 5.

§ 6-imut

Siunnersuutaavoq, Naalakkersuisut aaqqissuussinermut akisussaasumik, kontunit, innuttaasunit aamma suliffeqarfinit il. il. § 1 malillugu imaluunniit tamanna naapertorlugu malittarisassanik atulersinneqarsimasut pillugit paasissutissanik allaffisornermik suliassaqtumik toqqaassasut. Naalakkersuisut pisortani oqartussaasoq alla imaluunniit suliffeqarfik namminersortoq il. il. aaqqissuussinermut akisussaasutut toqqarsinnaavaat. Piumasaqaataavorli toqqrneqartoq Danmarkimi, Savalimmiuni imaluunniit Kalaallit Nunaanni najugaqavissuussasoq. Aaqqissuussinermut akisussaasup suliassaraa kontut innersuussutaasut pillugit paasissutissat pillugit nalunaarsuivimmik allaffornissaq, matuma ataani § 1-imi inunnit taaneqartunit paasissutissat pissarsiarissallugit, kiisalu pisortani oqartussaasut, innuttaasunut aamma suliffeqarfinit il. il. akiliisartussat, paasissutissanik pissarinissaat qulakkiissallugu.

Oqaaseqatigiit aappaat malillugu, pisortani oqartussaasut aamma suliffeqarfiiit namminersortut il. il. aaqqissuussinermut akisussaasutut toqqrneqarsinnaapput. Eqqarsaataavoq, aaqqissuussinermut akisussaasoq ataasiinnaq toqqrneqassasoq. Naalakkersuisut aaqqissuussinermut akisussaasumik toqqaanissaq sioqqullugu qulakteertariaqarpaat, aaqqissuussinermut akisussaasutut suliassap suliarinissaanut misilitakkat pisariaqartut aamma piginnaasat pisariaqartut pigissagai. Periarfissaassaaq, suliassap immikkut naammassineqarnissaa, imaluunniit pisortani akiliisarnerit aaqqissuussaanerannik annertunerusumik nutarsaanermut ilaasutut.

Aaqqissuussamut akisussaasuusoq paasissutissanik sulialittut isigineqarpoq, aamma paasissutissanik suliaqarnermut isumaqatigiissut pillugu malittarisassaq, Inuit Allattorsimaffiannut paasissutissanut inatsimmi atorneqarfissaa allassimavoq.

Imm. 2-mi siunnersuutigineqartoq malillugu, Naalakkersuisut aaqqissuussinermut akisussaasup suliassai pillugit malittarisassanik sukumiinerusunik aalajangersaasinnaapput, matuma ataani aaqqissuussinermut akisussaasup suliai pillugit nakkutilliineq pillugu aamma aalajangersaasinnaallutik. Tamanna pingaartumik atuutilissaaq, suliffeqarfik namminersortoq assigisaaluunniit aaqqissuussinermi akisussaasutut toqqrneqarpat, Naalakkersuisut aaqqissuussinermi akisussaasumik nakkutilliinissaannut malittarisassanik aalajangersaasoqassasoq.

Assersuutigalugu malittarisassat inuit nalunaarsuivimmut isersinnaasut atornearluisinnaanissaannik killilersuiniarnermik imaqarsinnaapput. Tamanna ass. isumannaallisaalluni ingerlariaatsinik suliaqarnikkut, sulisunik, nalunaarsuivimmut isersinnaasunik isumannaallisaanikkut akuerinninnikkut kiisalu eqimattat ikittuinnaat nalunaarsuivimmut toqqaannartumik isersinnaanissaasa qulakteerneratigut pisinnaavoq. Ilanngullugu malittarisassanik aalajangersaasoqassinaavoq, kina nalunaarsuivimmit paasissutissanik tigusimanersoq, kiisalu sulisut ataasiakkaat paasissutissaat suut tigusimaneraat nakkutigisinhaassallugu periarfissaassasoq. § 6, imm. 2-mi pisinnaatitsissut

naapertorlugu, suliffeqarfimmi aaqqissuussinermut akisussaasumi sulisut, nalunaarsuivimmut isersinnaasut nipangiussisussaatitaanerannut najoqqtassanik aalajangersaasoqassaaq. Suliffeqarfik aaqqissuussinermut akisussaasuusoq suliffeqarfippat namminersortoq assigisaaluunniit, pingartumik tulluartuussaaq. Malittarisassat naapertorlugit ilanngullugu malittarisassanik aalajangersaasoqarsinnaavoq, suliffeqarfik aaqqissuussinermut akisussaasuusoq sillimmasissasoq, paasissutissanik atornerluisoqassagaluarpat annaasaasinnaasunik matussusiisussamik.

Eqqarsaataavoq, sulisut taamaallaat, atorfinni nalunaarsuivimmit paasissutissanik immikkut tigusisarnissamut pisariaqartinneqartut, nalunaarsuivimmut isersinnaanissaannut akuersissuserneqassasut. Paasissutissat, sulisut taakku ilisimaligaat, pisortani atorfillit nipangiussimasussaanerannut malittarisassat nalinginnaasut naapertorlugit nipangiusimasussaatitaapput.

Ilanngullugu malittarisassanik aalajangersaasoqarsinnaassaaq, suliffeqarfik aaqqissuussinermut akisussaasoq pillugu pisortani oqartussaasumut naammagittaalliorqarsinnaaneq. Aalajangersagaq, malittarisassanik aalajangersaanissamut, inummut paasissutissanik suliarinnitarneq paasissutissat pillugit inatsit malillugu Datatilsynip nakkutiliinissaanut perarfissaanik killilersuisussamik tunngaviliinngilaq. Imm. 2 naapertorlugu malittarisassanik aalajangersaasoqarpat, paasissutissanik suliaqarnermut atatillugu inuit nammineq inuunerannik illersuinissamut sunniuteqartumik, inummut paasissutissanik suliarinnitarneq pillugu inatsimmi § 57 naapertorlugu, Datatilsynip oqaaseqaataanik aallertoqassaaq.

§ 7-imut

Siunnersuutaavoq Naalakkersuisut qallunaat aamma savalimmioriut oqartussaasuinik isumaqatigiissusiornermik pisinnaatitaanissaat, naalagaaffeqatigiinnermi immikkoortortat marluusut pisortatigoortumik Kalaallit Nunaannit akiligassanik ataqatigiimmik aaqqissuussat, aaqqissuussaanerit il. il. ingerlatitseqqinnermut atorneqartut atorsinnaanerat pillugit.

Naalagaaffeqatigiinnermut tamarmut peqatigiilluni isumaqatigiissusiornissamut killiliinermut tunngatillugu, tamarmik assigimmik aningaasaateqarfiit aaqqissuussanerat peqquaavoq.

IT-nut aamma teknikkut apeqqutit akiligassanik passussinermut attuumassutilit saniatigut, aammattaaq naalagaaffeqatigiinnerup ilaani pisortaqarfinnit paasissutissanik avitseqatigiinnernut il. il. pillugit isumaqatigiissusiornermik pisinnaatitaanermik ilaqarpoq.

§ 8-mut

NemKonto pillugu Inatsisartut inatsimmut malittarisassai kiisalu pisortanit akiliinernik qarasaasiakkut akiliisarnermut ikaarsaarnissamut piumasaqaatit aamma suliffeqarfinnut imminnut pigisunut il. il., aningaasaliisarnermi inatsimmut tiguneqarsimasunut atutissasut siunnersuutigineqarpoq. Assinganik suliffeqarfinnut imminnut pigisunut aamma

suliffeqarfinnut namminersortunut, kommunimik ingerlatsinissamut isumaqatigiissuteqarsimasunut atuuppoq, taakku ulluinnarni »kommunip suliffeqarfiiut nalinginnaasutut« isigineqarsinnaapput. Assinganik Naalakkersuisut aalajangersarsinnaavaat, Inatsisartut inatsisaanni malittarisassat aamma suliffeqarfinnut imminnut pigisunut il. il., aningaasartuutinut matussusiinissamut imaluunniit ikorsiissutinik allanik Namminersorlutik Oqartussanit tigusisartunut atuutissasut.

§ 9-mut

Naalakkersuisut Inatsisartut inatsisaata piffissaq atuutilerfissaa aalajangissagaat siunnersuutigineqarpoq. Matumuuna IT allaffissornikkullu pissutsit pillugit aaqqinneqareersimassasut inatsisip atuutsilinnginnerani innersuussutigineqarpoq.

Imaassinjaavoq Inatsisartut inatsisaanni aalajangersakkat piffissani assigiinngitsuni atulersinneqarnissaat tulluartuuussasoq, soorlu Namminersorlutik Oqartussat aamma kommunit ataasiakkaat piffissami atuutilerfissai assigiinngissinnaammata. Tamatumunnga, allaffissornikkut suleriaatsit arlallit allannguutigineqartussaanerat attuumassuteqarpoq.